



TOSHKENT DAVLAT YURIDIK UNIVERSITETI REKTORINING B U Y R U G ' I

27.10.2022

331-um-son

Toshkent davlat yuridik universiteti faoliyati uchun ichki hujjatlarni tasdiqlash to'g'risida

Toshkent davlat yuridik universiteti Kuzatuv kengashining 2022-yil 17-fevraldagi 1-son majlis bayoni bilan tasdiqlangan 2022-2026-yillarda Toshkent davlat yuridik universitetini strategik rivojlantirish dasturini amalga oshirish yuzasidan yo'l xaritasida hamda Toshkent davlat yuridik universitetini THE Impact xalqaro reytingida ishtiroki yuzasidan yo'l xaritalarida belgilangan vazifalar ijrosini ta'minlash, xodim va talabalarda universitet etikasini shakllantirish, ularda universitetga bo'lgan muhabbatni oshirish hamda qo'llab-quvvatlash, universitetni xalqaro e'tirof etilgan reytinglarga kiritish ishlarini tizimli tashkil etish maqsadida

BUYURAMAN:

1. Quyidagilar:

Toshkent davlat yuridik universitetining etika konsepsiyasi 1-ilovaga;

Toshkent davlat yuridik universitetining otalik va onalik huquqlarini himoya qilishga qaratilgan siyosati 2-ilovaga;

Toshkent davlat yuridik universitetining zo'ravonlik va bezorilikning oldini olish bo'yicha siyosati hamda zo'ravonlik va bezorilik haqida xabar berish tartibi 3-ilovaga muvofiq tasdiqlansin.

2. Prorektorlar va tarkibiy bo'linma rahbarlari:

ushbu buyruq ilovalari bilan tasdiqlangan tasdiqlangan hujjatlarning mazmun-mohiyatini talabalar o'rtasida keng targ'ib qilib, tushuntirish ishlarini olib borsin;

hujjatlarda belgilangan tartiblarga amal qilish hamda xodim va talabalarining amal qilishini nazoratga olsin.

3. Ma'naviyat va ma'rifat markazi (Sh.Po'lotov):

Jamoatchilik va OAV bilan aloqalar bo'limi (J.Haydarov) bilan birgalikda mazkur buyruq hamda u bilan tasdiqlangan hujjatlarni universitet sayti hamda ijtimoiy tarmoqlariga joylashtirish, ushbu hujjatlar yuzasidan videoroliklar,

infografikalar va tarqatma materiallar tayyorlab tarqatish choralarini ko'rsin;

fakultet dekanlari bilan birgalikda ushbu hujjatlarning mazmun-mohiyatini talabalar orasida keng tushuntirish ishlarini olib borish, tyutorlik soatlari mashg'ulotiga kiritish choralarini ko'rsin;

Yuridik byuro (D.Aliboyev) bilan birgalikda ushbu hujjatlar yuzasidan universitetning ichki hujjatlariga tegishli o'zgartirish kiritish choralarini ko'rsin.

4. Ta'lim sifatini oshirish, universitet faoliyat samaradorligiga professor-o'qituvchilarning daxldorligini yanada oshirish hamda ularni munosib rag'batlantirish bo'yicha quyidagicha tartib joriy etilsin:

yil yakuniga ko'ra universitet faoliyat yo'nalishlari bo'yicha yuqori natija ko'rsatgan hamda reytingda eng yuqori bo'lgan professor-o'qituvchilarga universitet va kasaba uyushmasi mablag'lari hisobidan bir haftalik dam olish maskanlariga tekin yo'llanma taqdim etiladi;

xorijiy davlatlarga qilinadigan safarlarda delegatsiya tarkibida navbati bilan ularni ham ishtirok etishlari tashkil etiladi;

davlat mukofotlari, vazirlik va idoralarning rag'batlantiruvchi mukofotlariga tavsiya etishda ularga ustunlik beriladi.

5. Prorektorlar ushbu buyruqning 4-bandi bilan joriy etilayotgan tartibga to'liq amal qilinishini, tegishli yo'nalishlar bo'yicha vazifalarni amalga oshirilishini nazorat qilsin.

6. Kadrlar bo'limi (S.Mamanazarov) buyruqning 4-bandi bilan joriy etilayotgan tizim mazmun-mohiyatini professor-o'qituvchilar e'tiboriga yetkazish, belgilanga tartib asosida ishlarni tashkil etish choralarini ko'rsin.

7. Buxgalteriya (M.Parpiyev) buyruq bilan joriy etilayotgan tartiblarni amalga oshirish jarayonida sarflanadigan xarajatlarni belgilangan tartibda universitetning byudjetdan tashqari mablag'lari hisobidan qoplash joralarini ko'rsin.

8. Universitet kasaba uyushmasi (M.O'razaliyev)ga yuqoridagi tartibni jamoat shartnomasiga tegishli tartibda aks ettirilishi tavsiya etilsin.

9. Devonxona (X.Abdullayev) ushbu buyruqni tegishli bo'limlarga yetkazish choralarini ko'rsin.

10. Mazkur buyruq ijrosi nazoratini o'z zimmamda qoldiraman.

Rektor



A.TASHKULOV

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Bo'lim boshlig'i

S.MAMANAZAROV



O'quv ishlari bo‘yicha prorektor -
TDYuU qoshidagi akademik litsey
direktori

I.RUSTAMBEKOV



Ilmiy ishlar va innovatsiyalar
bo‘yicha prorektor

B.XODJAYEV



Xalqaro hamkorlik va uzluksiz ta‘lim
bo‘yicha prorektor

D.UMAROV



yuriskonsult

D.ALIBOYEV



Devonxona mudiri

X.ABDULLAYEV



Buyruq bilan tanishdim

SH.PO‘LOTOV

